

1930 йил
12 МАЙДАН
ЧИҚА
БОШЛАГАН



Посида

ЎЗБЕКИСТОН РЕСПУБЛИКАСИ ИИБ НАШРИ

№№ 51—52 (2692—2693)
1994 йил, 8 июль.

Тошкент шаҳрида
сотувда баҳоси
30 тийин.

ЁШЛАР ТАРБИЯСИГА БАҒИШЛАНДИ

Тошкент шаҳар прокуратураси ўзининг 1994 йил биринчи ярим йиллик иш режасига кўра, Тошкент шаҳар ИИББ, пойтахт шаҳар таълим бош бошқармаси ва шаҳар ҳокимияти ҳамкорлигидаги мувофиқлаштирилган Кенгашини ўтказди.

Унда Таълим, ИИБ ва прокуратура идораларининг масъул ходимлари тарбияси оғир болалар ва ўқувчилар билан олиб бораётган ишлари муҳокама этилди. Шу масала юзасидан Тошкент шаҳар прокуратурасининг вояга етмаганлар тўғрисидаги қонунлар ижросини назорат қилиш бўлими бошлиғи вазифасини бажарувчи, III даражали юрист Шухрат Икромов маъруза қилди.

Шундан сўнг Ш. Икромов маърузаси бўйича қизғин муҳокама бошланди. Унда Ўзбекистон Республикаси Таълим вазири муовини, Тошкент шаҳар таълим бош бошқармаси бошлиғи Х. Йўлдошев, А. Икромов туманидаги 123-ўрта мактаб директори Ж. Муҳитдинов, Яккасарой туманидаги 114-мактаб

директори М. Тўйчиева, 33-сонли Тошкент авиация билим юрти директори Қ. Эргашев, республика Таълим вазирлигининг мактабдан ва синфдан ташқари ишлар бўйича бошқарма бошлиғи М. Шафиев, Тошкент шаҳар ИИББ жиноятчиликнинг олдини олиш бошқармаси бошлиғи, милиция подполковниги М. Деҳқоновлар сўзга чиқдилар. Улар кейинги пайтда вояга етмаганлар томонидан содир этилаётган қонунбузарликларнинг кўпайгани ва уларнинг олдини олиш учун олиб борилаётган амалий тадбирлар тўғрисида алоҳида тўхталиб, оналарнинг жавобгарлигини ошириш, ёшлар қўмитасини тарбия ишларига жалб қилиш, шаҳар прокуратураси қошида методик гуруҳ ташкил этиш каби бир неча масалаларни ўртага ташладилар.

Кенгаш сўнггида Тошкент шаҳар ҳокими муовини, шаҳар вояга етмаганлар билан ишлаш комиссияси раиси Ш. Жалилов яқунловчи нутқ сўзлади.

М. ТИЛЛАЕВ.

ИККИ ЖУМА ОРАЛИГИДА

“ШИНАВАНДА”

КЕЙИНГИ ПАЙТДА жанговар қурол-яроққа ишқи тушиб, уни турли йўللار билан сотиб олаётган, сақлаётганлар оз бўлса-да, орамизда учраб турибди.

Яқинда ана шундай “шинаванда”лардан бирини Гулистон шаҳар ИИБ ходимлари РГД-5 русумли жанговар граната билан қўлга олишди. У Гулистон консерва заводининг ишчиси, 1956 йилда туғилган В. К. бўлиб чиқди.

Ажал рамзи бўлган бу қуролни В. К. қачон, қаердан ва нима мақсадда олгани ҳозирча номаълум. Тергов кетаяпти.

ХОНАДОНЛАРДАГИ МИЛТИҚЛАР

ДЕНОВ ТУМАНИ ИИБ ходимлари навбатдаги тезкор тадбир ўтказдилар. Унда Тошкент шаҳар ҳокимияти Чорхона бўлимида яшовчи, нафақадор, 1931 йилда туғилган Х. И.нинг хонадонидан ИИБда рўйхатда бўлмаган, рақами ўчирилган “ТОЗ-8” русумли милтиқ топиб олдилар.

Худди шунингдек, нафақадор, 1928 йилда туғилган Т. С. нинг уйи ҳам кўздан кечирилганда ИИБда рўйхатдан ўтказилмаган, рақами ўчирилган “ТОЗ-8” русумли ўқотар қурол чиқди.

Ҳар икки қуролнинг ҳам очилмаган жиноятларга алоқаси йўқмикин? ИИБ ходимлари бугунги кунда худди мана шу саволни кўндаланг қўйиб, қурол эгаларини тергов қиялтирди.

ТАЛОНЧИЛАР УШЛАНДИ

АНДИЖОН вилоятининг Избоскан туманидаги Пойтуғ жамоа ҳўжалигида истиқомат қиладиган Х. Б. га номаълум шахслар ҳўжум қилиб, ёнидаги 100 минг сўм-купон пулини тортиб олишди.

Жабрланувчи бу тўғрида ИИБга ўз вақтида хабар бергани туфайли қароқчилар тез фурсатда қўлга олинди. Улар ҳеч қаерда ишламайдиган, 1978 йилда туғилган У. Ҳ. ҳамда Р. Ж. бўлиб чиқдилар.

СЕРГАКЛИК ПАНД БЕРМАДИ

ЯРИМ ТУНДА осийиштак посбонлари Самарқанд шаҳридаги Миршарофов кўчасидан ўтиб бораётган О. Т. бошқарувдаги “ВАЗ-2106” русумли, Д 31-64 СН рақамли автомашинани тўхтатиб, кўздан кечирганларда машина юкхонасидан 8 килограмм гнѐхванд модда — кўкнори топилди.

ҚИНҒИРЛИК ФОШ БЎЛДИ

САМАРҚАНД вилоятининг Булунгур туманидаги Мингчинор постда сергак турган милиция ходимлари 2507-автокорхонага қарашли “ЗИЛ-130” русумли, 30-31 СН рақамли автомашинада 4970 килограмм унни қалбаки ҳўжжатлар билан қўшни Тошкент республикаси ҳудудига олиб ўтиб кетмоқчи бўлганларида қўлга олдилар.

БУГДОЙ ЎҒРИСИ

СИРДАРЁ вилоятининг Сайхунбод туманидаги Гулистон давлат ҳўжалиги тракторчиси, 1956 йилда туғилган Н. М. ўзига бириктирилган “Т-28” тракторида ҳўжалик даласидан уч тонна бугдойни ўмариб, уйига олиб кетаётганда ИИБнинг “Қўриқлаш” бўлими ходимлари томонидан ушланди.

НАФС БАНДАСИ

АНДИЖОН темирйўл бекатида 133-рақамли “Андижон-Москва” поезди текширилганда 2-вагон кузатувчиси 1945 йилда туғилган Б. Ҳ. 5 миллион 600 минг сўмлик 1100 килограмм мева ва сабзавотларни ноқонуний равишда Москва шаҳрига олиб кетаётганлиги аниқланди. Нафс бандаси чап чўнтагини қаппайтириш учун виждонига ўт тушганини билмай қолганга ўхшайди.

Т. МУРОДОВ.

Бу ҳақда Вазирлар Маҳкамасида айтилганди

“ЭРТАЮ КЕЧ бола-бақраси билан тиним билмай даладан бери келмаган деҳқон жазирама иссиқ демасдан меҳнат қилиб маҳсулот етиштирсаю, меҳнати роҳатини ўзи кўролмасаю? Ўзларини бозорларнинг беклари ёки замонавий “тадбиркорман” деб ҳисоблаган айрим кимсалар, бечора деҳқонни бозорнинг ичига ҳам йўлатмасдан дарвоза бўсағасидаёқ унинг молини қоқ яримдан ҳам паст нархда баҳолаб, кўтарасига сотиб олиб қўйсаю?.. Бу ҳам етмагандай бундай номардлар картошкани қандай экишни билмасида, пештахта ортига ўтириб олиб, деҳқон маҳсулотини икки уч хисса қимматига пуллаб турсаю?.. Бу қандай гап ахир!..”

Вазирлар Маҳкамасининг “Тошкент шаҳрида, шу жумладан шаҳар бозорларида савдони ташкил этишнинг аҳволи ва Давлат Солиқ қўмитасининг савдо-сотиқ фаолияти билан машғул юридик ҳамда жисмоний шахслар томонидан амалдаги қонунчиликка риоя этилишини назорат қилиш борасидаги ишлари тўғрисида”ги масалалар муҳокама қилинган навбатдаги йиғилишида бот-бот такрорланган ушбу гаплар нафақат бу ерга йиғилганларни, балки бутун халқни ҳаяжонга солди.

Республика Ички ишлар вазирлиги раҳбарияти томонидан Вазирлар Маҳкамаси йиғилишида кўтарилган ички ишлар ходимларига тегишли масалаларни ўз вақтида ҳал этиш мақсадида тез фурсатдаёқ қўшимча махсус тадбирлар ишлаб чиқилди.

Дастлаб, бозордаги нархларнинг кескин кўтарилиб кетишига йўл қўймай, ишлаб чиқарувчи билан истеъмолчи орасига тушиб қолган баъзи бир олиб-сотарларнинг фаолиятига ҳуқуқий баҳо бериш, уларнинг пайини қирқиш мақсадида Тошкент шаҳрининг бир неча бозорларида махсус рейд уюштирилди. Тадбирга ИИБ ЖКББ, ЭКБ, Ҳуқуқий таъминлаш ва оммавий ахборот воситалари билан алоқа қилиш бошқармаси Матбуот маркази, Тошкент шаҳар ИИББ ЖКББ 5-бўлими ҳамда бошқа хизматлар ходимлари жалб этилди.

Асосий эътибор ўз ери бўлмасида, маҳсулотни пештахтага ейиб ўтирган, нозик қўлли “деҳқонлар” фаолиятига

қаратилди.

Пойтахтнинг кўркем ва шинам бозорларидан бири Олой бозорида фақат тирикчилик илинжида эмас, балки бир кунда бир неча юз минглар топиш пайида ўтирган, ҳатто кунига бир миллионни нишонга олаётган учар олиб-сотарларга дуч келинди.

Ички ишлар ходимлари дастлаб уларнинг бунча пулни бир кунда топишларига ишонқирамадилар. Аммо Юнусобод тумани Сергей Бородин

**НОЗИК
ҚЎЛЛИ
“ДЕҲҚОНЛАР”**
ЕКИ ОЛИБСОТАРЛИК
БИЛАН ШУҒУЛЛАНУВЧИ
ЗАМОНАВИЙ “БИЗНЕСМЕН”ЛАР
ХУСУСИДА

кўчасидаги хонадонлардан бирида яшовчи нафақадор Х. Каюмхўжаевнинг эрталаб бир бечора деҳқондан ургуржи нархда 1 миллион 650 минг сўм-купонга сотиб олган 220 килограмм картошкани кечга бориб 2 миллион 200 минг сўм-купон бўлиб қолиши мумкинлигини хомчўт қилгач, бу ноинсоф “деҳқон” фаолиятини тўхтатдилар. Шу орада Қибрай туманининг Маданият жамоа ҳўжалигидан келган 53 ёшли Мастура Эргашеванинг нақд миллионни кўзлаб келган мақсади ҳам фош бўлиб қолди. У Қибрайдан картошка эмас, балки пул қучоқлаб келибди. У агар бозорга “экан” 2450 минг сўм-купонлик картошкани ўзи режалаштирган нархда сотса, нақд бир миллион бўлар экан.

Рейдни ўтказиш маҳалида биз фақатгина олиб сотарлик ҳолларини аниқлаш, уларга қонуний жазо чораларини кўриш билангина чекланиб қолмадик. Олиб сотарларга маҳсулотини тенг ярим баҳода “пуллаб” кетаётган деҳқоннинг ҳам дардига қулоқ тутдик.

Уларнинг бири биз

маҳсулотимизни бир кунда сотиб улгуролмаймиз, эртаси куни сотишга эса имконимиз бўлмай қолади. Қолаверса, маҳсулот сифати ҳам бузилиб қолиши мумкин. Шундай бўлгач, улгуржисига олиб сотарга сотишга мажбурмиз деса, бошқаси илгарилари бозорларда ширкат муассасалари бўларди. Биз маҳсулотимизни ўшаларга топиштириб кетардик, — дейди.

— Ҳозир ҳам ҳар бир бозорда савдо-харид пунктлари фаолият кўрсатапти-ку, нега уларга топиштирмайсиз? — деган саволимизга:

— Э, булар ўша олиб-сотардан ҳам ноинсоф. Бозорда нархи 8 минг сўм бўлган маҳсулотни тенг ярмига ҳам эмас, икки минг сўмдан сўрайдилар, — дейди.

Дарҳақиқат, деҳқонлар фикри ўринли экан. Биз бунга Миробод деҳқон бозорига борганимизда амин бўлдик.

Ушбу бозорга қарашли савдо-харид дўкони сотувчилари Б. Турсунхўжаев ва К. Юсуповлар Тошкент вилояти Бекобод туманидан не бир азоблар билан бодринг олиб келган М.Шукуровдан 100 килограмм бодрингнинг ҳар килосини 4 минг сўмдан сотиб олиб, ҳўжжатга кириб қилмасдан дўкон пештахтасига қўйиб, бемалол 8 минг сўмдан пуллаётганларида қўлга олинди. Устига устак улар ички ишлар ходимлари билан бўлган мулоқотда, икки гапнинг бирида “инсоф”ни тилга олиши кишини бағоят ажаблантирди. Қолаверса, харид ва сотувчига қўлайлик яратиш мақсадида ташкил этилган ушбу корхона ходимларининг ноўрин иши кишини ташвишга солди. Шу боис, ушбу далил юзасидан маъмурий қайднома тўлдирилиб, иш судга оширилди.

Шу кунги Қўйлик бозорида ўтказилган махсус рейдда ҳам 15 дан ортиқ мана шундай ҳолатлар аниқланди. Улар юзасидан ҳам тегишли жазо чораларини қўллаш, қонуний баҳо бериш мақсадида ҳар бир иш суд ва прокуратура идораларига жўнатилди.

Шухрат РЎЗИЕВ,
Республика ИИБ
Матбуот маркази инспектори,
милиция лейтенанти.

Анжуман бўлиб ўтди

ЎЗБЕКИСТОН РЕСПУБЛИКАСИ ИИБ КАСАБА
УЮШМАСИНИНГ 5-ҲИСОБОТ-САЙЛОВ АНЖУМАНИ
БЎЛИБ ЎТДИ

Унда республика ИИБ Касаба уюшмалари бирлашган қўмитаси раиси Х. Ж. Жалилова анжумандан анжумангача бўлган давр мобайнида амалга оширилган ишлар тўғрисида ҳисобот берди. Шунингдек, тафтиш комиссиясининг ҳисоботи ҳам

тингланди. Бирлашган қўмита иши қоникарли баҳоланди.


Шундан сўнг қўмитанинг, тафтиш комиссиясининг янги таркиби ва давлат муассасалари ходимларининг Тошкент шаҳар Касаба уюшмаси анжуманига делегатлар сайланди.

Анжуман ишида республика ИИБ Шахсий таркиб билан ишлаш хизмати бошлиғи ўринбосарлари, ички хизмат полковниги Б. Б. Носиров, милиция майори ў. П. Жўраев ҳамда давлат муассасалари ходимлари Тошкент шаҳар Касаба уюшмасининг раиси Ш. К. Изамовлар қатнашдилар.

Ўз мухбиримиз.
Суратларда: анжуман ишидан
лавҳалар.

Ҳ. ШОДИЕВ,
олган суратлар.





СИЗЛАРГА ОҚ ЙЎЛ ТИЛАЙМИЗ

Ўзбекистон Республикаси ИИБ Олий мактаби эрта тонгданоқ одамлар билан гавжум бўлиб кетди. Марказий назорат ўтказиш пункти олдида қордек оппоқ парад кийими кийган йигитлардан ташқари уруш ва ички ишлар идораларининг нуроний фахрийлари, чиройли кийимлар кийган қизлар, аёллар, ғурури ичига сиғмаган оналар, шўх болалар ҳам йиғилмоқда эди.

Ана шу шонли санага узоқ вақт тайёргарлик кўрилди. Шу кун ИИБ Олий мактабининг 24-март ва ўрта махсус милиция мактаби курсантларининг 62-сўнгги битирувчилари ҳаётга, амалиётда ўзларини кўрсатиш учун йўлланма олдилар.

Ўрта махсус милиция мактаби 1993 йил июлдан бошлаб Олий мактабга қўшиб юборилди. Энди олий мактаб ички ишлар идораларининг ўрта ва олий бўғини учун ходимлар тайёрлайди. Тантанали маросим ўтказилиши учун ҳамма нарса тайёр. Мустақил, ташвишларга тўла ҳаётга қадам қўйиш арафасида турган йигитлар ҳурматли меҳмонлар билан тўлган минбар олдида саф тортдилар.

Олий мактабнинг 25 тингловчиси Афғонистон урушида иштирок этган. Улар орасида милиция катта лейтенанти А. Аширматов ҳам бор. Ўқишга киргунга қадар Тошкент шаҳар ИИББ қошидаги Қўриқлаш бошқармаси бўлинмасида милиционер бўлиб ишлади. Энди милиция лейтенанти А. Аширматов малакали ҳуқуқшунос сифатида тезкор-қидирув соҳасида ишлай бошлайди. Милиция катта

сержанти А. Жўрақулов Афғонистондан қайтиб келгач, Самарқанд вилоят ИИБ патруль-пост хизмати бўлинмасининг сардори бўлган. Энди уни Самарқандда қизиқарли тезкор-қидирув иши кутмоқда. Милиция сержанти И. Бегимов ва оддий милиционер Б. Жумановлар эса Қашқадарё вилоятида тезкор ходим бўлиб ишлайдилар.

Лейтенантларнинг кўпчилиги Тошкент шаҳри ва вилояти, шунингдек Фарғона вилоятида жамоат тартибини сақлаш бўйича хизмат қилиш тажрибасига эга.

Чунончи, Чилонзор туман ИИБда малакасини оширган курсант, милиция сержанти Э. Собировга нотаниш кишилар ўғлининг велосипедини тортиб олган ва 15 кундан бери қайтариб бермаётган бир аёл мурожаат қилди. Собиров унинг ўғли билан бирга икки соат давомида велосипедни қидирди ва муқаддам судланган Х. Ш.дан уни топиб, эгасига қайтарди.

Милиция мактаби курсантлари — милиция старшинаси И. Дониёров ва милиция кичик сержанти А. Йўлчиевга хизмат бурчини бажариб юрганларида 1-Баҳор тор кўчасида пичоқ кўтарган безори бир аёлнинг ортидан қувиб юганини хабар қилишди. Дониёров ва Йўлчиев воқеа юз берган жойга тезда бориб, безорини Миробод туман ИИБга олиб келдилар. Бундай мисоллар оз эмас.

Битирувчиларнинг 70 фоиздан ортиги оилали кишилар. 1960 йилда туғилган милиция сержанти Ю. Мустанов ўқишга киргунча уч фарзанднинг отаси эди. 1984 йилдан бошлаб Жиззах вилояти Ғаллаорол тумани ички ишлар идораларида хизмат қилди. Ҳозир оиласида олти бола бор. Қийинчиликларга қарамай яхши баҳоларга ўқиди. Ўқишга киргунга қадар Тошкент вилоятидаги сув омборида қўриқчилик қилган оддий милиционер С. Тожибоев энди икки қизнинг отаси. Ўқишни аълога битирди Ўқишга Тожикистон Республикасининг Исфара туманидан келган милиция сержанти У. Шерматов уч

фарзандга ота. Ўқиш даврида гуруҳ сардори бўлиб келди.

Ўзбекистон Республикаси ички ишлар вазирининг ўринбосари, ички хизмат полковниги Р. Ҳайдаров парад қўмондони — мактаб бошлигининг саф бўйича ўринбосари, ички хизмат полковниги Г. Алимовнинг рапортини қабул қилиб, битирувчилар шаънига илиқ сўзлар айтди. Сўнгра у Олий мактабнинг 18 ва ўрта махсус милиция мактабининг 9 аълочи битирувчисига дипломлар топширди. Булар орасида Р. Аҳмедов, У. Зикриллаев, С. Тожибоев, Н. Исмоилов, Е. Кузнецова, У. Сатторов, У. Қурбонов ва бошқалар бор.

Битирувчиларни Давлат имтиҳон комиссияси раиси, ҳуқуқшунослик фанлари доктори, профессор Г. Саркисянц табриклади. Кафедра бошлиғи, ҳуқуқшунослик фанлари номзоди, доцент, милиция генерал-майори Р. Саитбоев профессор ва ўқитувчилар номидан ўз шогирдларига мурожаат қилди. Фалсафа фанлари номзоди, ички хизмат полковниги С. Каримов ўзининг битирувчиларга бағишланган шеърини ўқиб берди. Битирувчи Б. Назаровнинг акаси — Жиззах вилояти фермерлар кенгаши раиси М. Дўсанов битирувчиларнинг ота-оналарини қутлуг айём билан табриклади.

Олий Кенгаш Раёсати аъзоси, Ўзбекистон Республикаси Олий Кенгашининг давлат ва жамоат ҳавфсизлиги, мудофаа ва ҳарбий хизматчиларнинг ижтимоий ҳимояси масалалари бўйича қўмитаси раиси В. Ниёзматовнинг табриги мактаб тингловчилари ва битирувчиларига қаратилган оталарча ғамхўрлик руҳи билан йўғрилган эди.

Битирувчилар номидан сўзга чиққан милиция лейтенанти Н. Исмоилов ўз устозларига самимий миннатдорчилик билдирди ва мактаб аъналарини эсдан чиқармасликлари хусусида сўзлади.

Битирувчиларни табрикларкан, мактаб бошлиғи,

милиция полковниги У. Тожионов шундай деди:

— Сизларга қандай иш топширмасин, ўз касбий билим ва кўникмаларингизни доимо такомиллаштириб боришлар, ҳеч қачон эришилган натижа билан чекланиб қолманглар. Маълумот даражангизни мунтазам ошириб боришга ҳаракат қилинглар, ички ишлар идораларининг илғор амалиёти ва катта ўртоқларингиз тажрибасини ўрганиб боришлар, ўз фаолиятингизда уларга таянингиз.

Битирув тантаналарида Ўзбекистон Республикаси Олий Кенгаши аппарати ҳуқуқшунослик бўлими мудир А. Йўлдошев, Ўзбекистон Республикаси ИИБ шахсий таркиб билан ишлаш хизматининг ўқув юртларига раҳбарлик қилиш бўлими бошлиғи, милиция подполковниги Х. Ҳикматов, Тошкент шаҳар ИИББ бошлигининг ўринбосари, милиция подполковниги С. Алимбоев, Тошкент вилоят ИИБ бошлигининг ўринбосари, милиция подполковниги Ш. Икромов, Ўзбекистон Республикаси ИИБ Олий техника билим юртининг бошлиғи, полковник Ш. Ниёзов, Олий ўт ўчириш-техника мактабининг бошлиғи, полковник М. Собиров ва бошқалар иштирок этишди.

Мактаб билан хайрлашув онлари бошланди. Минбар ёнидан аввал битирувчилар, сўнгра — иккинчи курс қизлари эвазиди етакчилигида бошқа курс талабалари ўтишди. Сизларга оқ йўл тилаймиз.

Р. ҲОШИМОВ,
истеъфодаги ички хизмат полковниги,
Мақоланинг қалам ҳақини
«Постда» — «На посту»
газетасининг жамғармасига
ўтказишларингизни сўрайман.

Суратларда: Ўзбекистон Республикаси ИИБ Олий мактабининг навбатдаги битирувчиларга бағишланган тантанали маросимдан лавҳалар.

Х. ШОДИЕВ олган суратлар.

ЛАЪБРИК-ЛАЙМИЗ!

Ҳамкасбимиз, милиция сержанти, шунингдек фаол жамоатчи мухбиримиз Саъдулло БОБОВЕВни 8 июль — туғилган кун муносабати билан самимий муборакбод этамиз ва унга соғ-саломатлик, оилавий тотувлик, хизмат фаолиятида муваффақиятлар тилаймиз.

Эхтиром билан

«Постда» — «На посту» таҳририяти жамоаси ҳамда милиция майори Б. Машарипов ва журналист Р. Ҳасанов.




Ҳурматли ЛАЪЛИДДИН ака!

Биз сизни туғилган кунингиз, 30 баҳорингиз билан чин юракдан табриклаймиз. Сизга яратгандан узоқ умр, сихат-саломатлик, бахт-саодат тилаб қоламиз.

Эхтиром билан

умр йўлдошингиз Юрсунной, қизларингиз Севара, Дилноза ва Хуснорахонлар.



ҲОСИЛ-94

“МАВСУМИЙ” ТАШМАЧИЛАР

Айни кунларда республикамизнинг барча ҳудудларида ғалла ўрим-йиғими авжи паллага кириб борапти. Мавсумни ҳар томонлама тез ва соз ўтказиш учун зарур чоралар кўрилди ва кўрилмоқда. Бу борада албатта ўрмининг сифатли олиб борилиши, енгин хавфсизлиги қондаларига қатъий амал қилиш, турли кўринишдаги ташмачиликларга йўл қўймаслик каби долзарб масалалар биринчи ўринга қўйилган.


Қашқадарёда ҳам ушбу мавсумий ишлар маромида олиб бориляпти. Айниқса, жойлардаги ички ишлар идоралари ходимлари томонидан ғалладон маҳсулотлари билан боғлиқ қонунбузарликлар ўз вақтида аниқланиб, тегишли чоралар кўрилмоқда.

Жумладан, Нишон тумани, Ойдин жамоа-шаркат хўжалиги ғалла майдонидан фуқаро Назир Ганиев икки тонна арпани ҳеч қандай ҳужжатсиз ўз уйига олиб кетаётганда милиция ходимлари томонидан ушланди.

Усмон Юсупов туманидаги 26-жамоа хўжалигининг Оқмачит қишлоғида яшовчи Али Жабборов эса бир тоннаю 383 кило бугдой билан ушланди. Унинг қўлида ҳам тегишли ҳужжат йўқ экан.

Ў. ҲАЙДАРОВ,
милиция катта лейтенанти.





СУРАТЛИ АХБОРОТ

Паркент туман ИИБ навбатчиси, милиция капитани Эргаш Расулов беш йилдан бери шу вазифада хизмат қилади. Воқеа юз берган жойларга тезкорлик билан чиқишда, бинобарин, милиция ходимлари томонидан жиноятнинг тезда очилиши унинг куч-ҳаракати, касб маҳорати ва тажрибаси (ИИБда у 20 йилдан бери ишлайди) қўл келмоқда.

Суратда: Эргаш Расулов иш устида.

Ҳ. ШОДИЕВ олган сурат.

ИЛОННИНГ ТИШИ, чаённинг ниши ёмон. Биз таърифлаётган кимсанинг ваҳшийликлари беадад. Бурчак, пастқам, ҳоли жойлар унинг суюкли манзили. Чунки у асосий ишларини ўша — кўздан нари жойларда уйдalayди. Бунинг билган билади, билмаган йўқ.

Ҳамқишлоқлари, таниш-билишлари уни тажрибали, ишбилармон йигит, деб ҳурмат қиладилар. Айниқса, у билан энди танишган, бир-икки ўтиришда теварағида гирдикапалак бўлган ёшлар эса ундан тажриба ўрганиш иштиёқида, соясига салом бергудек бўлишарди. У-чи? Бунақанги хайрли ишларни тушига ҳам киритмасди. Унинг жиймайиб боқишлари дилидаги пинхоний мақсадни сездирмаслик воситаси, холос. Сиртидан одамларга меҳрибондай кўринса-да, иложи бўлса уларни сувга олиб бориб сугормай қайтарса.

Яна бир қабиҳ орзуи — умрида бирор жойда ёлчитиб ишламаган, қайсидир номаъқул иши учун қамалиб чиққан, дакки еган, ранжиган, нолиган аламзадаларни топиш, атрофига тўплаш ва уларнинг қўллари билан жарақ-жарақ пул топиш.

Унинг исми-шарифи Қобил Бўриев. Бугунги кунда бу номи эшитган ҳар бир киши бир қалқиб тушса керак.

Хонобод қишлоғи Тошкент вилоятининг энг хушманзара, энг хушхаво жойларидан биридир. Мана шу қишлоқдаги донги кетган "Гўзал" қойхонаси бир неча йил муқаддам норасмий равишда "Қобил қойхонаси" деб юритила бошланганди. Бунинг асосий сабаби, Қобил Бўриев ўзининг ҳамтовоқлари билан қойхонага ин қуриб олиб, ими-жимиди жиний ишлар режаларини тузишар, кечалари тонготарга қадар қимор ўйинини ташкил қилишарди. Қиморбозларнинг дарди — пул. Шу дард хуруж қилганда бир-бирини алдайди, кўзини шамғалат қилади. Лекин ўйин қизиганда дўстлик тугул, инсонлар боши ҳам пулга чақилиб кетади.

1992 йилнинг 20 сентябрга ўтар кечаси мана шу қойхонада катта қимор ўйини бўлди. Ўртадаги пул дам унга, дам бунга ўтиб турди. Тонгта яқин эса Азиз Тургуновнинг омади чопди. Ҳамма пуллар унинг олдига уюлиб қолди. Ўйиндан сўнг Абдурахим Умарбеков ўз автомашинасида уни уйига кузатиб қўйди.

Қобил Бўриев голибга мағлуб кўзи билан қаради. Мол аччиги — жон аччиги, пулига ачинди. Бундан ҳам муҳимроғи, ўша пулларнинг эгаси бўлиш истаги вужудини титратиб юборди. Шу ўйлар галаёнида зардаси қайнаб санчиб турди.

"Наҳотки, аллақандай бир келгинди чўнтагини қоқлаб кетаверса?" — гудранди ўзича.

Кўп ўтмай Азиз Тургуновдан қимор ўйинида ютиб олган пулларини

товламачилик йўли билан қайтариб олиш учун найранг ўйлаб топди. Бироқ бу истагини сиртига чиқармади. Аммо, қабиҳ ниятини амалга ошира бошлади. Йўқолмаган бриллиант тошли тилла узук йўқолдига чиқди. Бунинг касрига голиб қиморбоз ҳам қолиши тайин эди. Шу боис, узук қидирувчилар дастлаб Абдурахим Умарбековнинг уйига қадам ранжида қилишди.

Умарбеков қойхонадан қайтиб, энди естикқа бош қўйганда, кўча эшик тақиллади. Чиқиб қараса, Қобилнинг Баҳодир, Қахрамон исмли укалари билан Умар Ҳошимов туришибди. У шошиб қолганидан тили қалимага келмай қолди. Кейин зўрга:

— Тинчликми? — деб сўради.

— Нима иш қилиб қўйганингни биласанми?

— Билмайман, — деди Умарбеков давдираб. — Тинчликми ўзи?

— Сени Қобил қойхонада кутиб ўтирибди... Борсанг, биласан...

Суд очерки

ТУШГА КИРМАГАН ГАНЖ

ёхуд бир жиний гуруҳнинг офир қилмиши хусусида

Қойхонада ўзини хон, кўланкасини майдон санаб ўтирган Қобил Бўриев Умарбековни кўриши билан иргиб ўрнидан турди:

— Ҳа, ўргитина болам, келдингми? Қани, яхшиликча тилла узукни узатчи! Уни қаерга яширдиги ахлах?! —

— Қанақа узукни сўраяпсиз? — деб сўради Умарбеков ажабланиб. — Худо ҳақи, мен ҳеч қандай узук кўрганим йўқ.

— Агар тирик қолишни истасанг, узукни қачон, ким олганини айтасан. Акс ҳолда нариги дунёга жўнатиб юбораман, тушундингми?

Умарбеков Қобилнинг вазоҳатидан кўрқиб кетди. Бирдан юрагининг гурсиллаб ураётгани қулоқларига аён эшитилаётгандек туюлди. Унинг юзлари доқадек оқариб кетганини, тиззалари "дир-дир" титраётганини кўрган Қ. Бўриев асосий мақсадга ўтди:

— Унда Азизни қаерга обориб қўйганингни айтасан. Бўлмаса...

Умарбеков қараса, аҳволи чатоқ. Ҳозир Қобилнинг буйруғини бажармаса, бу зўравонлар уни соғ қолдиришмайди. Шунинг учун ҳам у Азиз Тургуновни қаерга олиб бориб қўйганини айтишга мажбур бўлди.

Шундан сўнг Қобилнинг кўрсатмаси билан Нуриддин Курбонов, Қахрамон Бўриев, Умар Ҳошимов ва жиний гуруҳнинг ўндан ортик аъзолари Азиз Тургуновнинг хонадонига йўл олдилар.

БУХОРО ВИЛОЯТ ИИБ жиноят қидирув бошқармаси махсус хизматининг бўлимасида эрта тонгда, ҳар доимгидек, тақсим бўлди: ходимларга хизматга доир аниқ топириқлар берилди, тегишли тадбирлар аниқлаб олинди.

бошчилигидаги тезкор гуруҳга деҳқон бозорига туташган С. Муродов кўчасида бўлиш топирилган эди. Гуруҳ аъзолари жуфтликларга бўлиниб, бир-бирлари билан алоқа ўрнатган ҳолда кўчани кўздан кечири бошладилар.

"ЧАПАКАЙ" КИССАВУР

Тахминан шу пайтда олтимышларга бориб қолган, муқаддам судланган ва ҳеч қаерда ишламайдиган кекса киши жиний мақсадни кўзлаган ҳолда Бухоронинг деҳқон бозорига шошиб бормоқда эди. Ўз навбатида, кўпчилик қатори вобкентлик бир аёл ҳам қизчасини етаклаб бозордан у-бу нарсга харид қилганини ошқмоқда эди. Озгина вақтдан сўнг улар анча нохуш вазиятда бир-бирлари билан тўқнаш келдилар.

ИИБ ЖКБ жиноят қидирув тезкор вакили, милиция катта лейтенанти Сулаймон Махмудов

Бир кекса кишининг ҳатти-ҳаракатлари уларда шубҳа уйғотди: у бирор нарсга харид қилмоқчи бўлгандек одамлар орасига ўзини урар, яхши кийинган харидорлар олдида гирдикапалак бўлар, ўғирлик қилиш учун қулай пайтни кутгандек у еқдан-бу еққа ўтар эди. Жиноят қидирув ходимлари уни диққат билан кузата бошладилар, ҳар бир ҳатти-ҳаракатини кўздан қочирмасликка ҳаракат қилдилар.

Кун исиб кетди. Вобкентдан бозорга келган аёл қизига газли сув олиб бериш учун навбатга турди. У

навбатда турганида ўғри унга яқинлашди, чап қўли билан (ўнг қўлида бармоқлари йўқ эди) сумкадан хамирдан қил суғургандек қилиб 80 035 сўм-купон солинган ҳамонни суғурди.

Жиноят қидирув кичик инспекторлари милиция сержанти Абдуфатто Жалололов ва оддий милиционер Илос Ҳотамов ўғрини ўша заҳоти ушладилар. Кўшми Қирғизистондаги Жалолободдан "меҳмон" бўлиб келган жиноятчи Наврўз Ш. далил билан қўлга тушди.

Бундоқ қараганда киссавурни ушлаш ва фош этиш жуда осон бўлиб кўринади, лекин бундай тасаввур тўғри эмас. Киссавурларни тутиш учун махсус касб кўникмаси зарурки, ИИБ ЖКБ махсус хизматининг милиция майори Қодир Розиков бошчилик қилаётган бўлинимаси ходимлари ана шундай маҳоратга эгадирлар. Дарвоқе, шу йилнинг 5 ойи ичида вилоятда 321 марта чўнтакка тушиш рўйхатга олинган, уларнинг фақат биттасигина очилгани йўқ.

Е. ЗУЕВ,
милиция майори.

— Етар... — сўқиниб қўл силтади Бўриев. — Буларнинг ҳаммасини олиб бориб гумдон қилинглр.

Бекмуродов, Ҳошимов, Ҳожиматов ва бошқалар Қобилнинг буйруғига итоат этиб, уларни мажбурлаб Хурсанд Эркаев, Нуриддин Курбонов, Баҳодир Бўриевлар бошқарувидаги автомашиналарга ўтказиб, Зангиота туманидаги "Ҳўкизорол" деб аталувчи хилват жойга олиб боришди. Чор атрофда ҳеч ким йўқлигига ишонч ҳосил қилишгач, Тургунов, Умарбеков ва Мамедовларни машиналаридан дўқ уриб тушириб, ерга чўкка ўтказишди, сўнг навбатдаги зугумга ўтишди.

Нуриддин Курбонов билан Умар Ҳошимовлар енларидан "Макаров" гўппочасини чиқариб, уларни қайтадан "тегирмон"га солишди. Қолган босқинчилар ҳам жим туришмади: бири егини ишга солса, бошқаси мушт тушириб турди. Бироқ

ўриндиғида ўтирган, танаси оловда қаттиқ куйган Азиз Тургунов туйқусдан аянчли инграб юборди:

— Бир узук учун шунчалик азоблаш шартми? Агар мени кўйиб юборсаларингиз, 500 грамм тилла келтириб бераман.

Бекмуродов бу гапни эшитиб, Умарбековга ўтирилди:

— Мана, Азиз ярим кило тилла ваъда қилляпти. Сен нима берасан?

— Менда берадиган ҳеч вақо йўқ, — деди жиддий оҳангда Умарбеков. — Бирдан-бир бойлигим — саломатлигим эди. Уни бутун адоий-тамом қилдинглар.

Босқинчилар уч "айбдор"ни ортик кийнаш, азоблашдан фойда йўқлигига ақллари етиб, дўқ-пўписига ўтдилар.

— Майли, ҳозир сенларни уларингта обориб қўямиз. Бироқ нима бўлганини на онла аъзоларингта, на кўни-қўшни, на ички ишлар идораларига айтиб қўйсаларингиз, соғ қўймаймиз. Тушунарлими?

Шундан сўнг кийим-боши, сочи, юзи ва баданлари оловда куйиб жизганак бўлиб кетган уч "айбдор" озодликка чиқдилар.

Суд-тиббиет экспертизасининг хулосасига кўра, Азиз Тургуновнинг баданида қаттиқ калтакланиш излари, аниқланиб, қўл, оёқ, кўкрак қафаси, бўйин ва танасининг 40 фоизи куйиб кетган. У оламдан ўтди.

Шунингдек, Д. Мамедов билан А. Умарбековларнинг баданлари ҳам турли даражада куйган.

Суд Азиз Тургуновни ўлдиришда Қобил Бўриевнинг ташкилотчи, Баҳодир Бўриев, Қахрамон Бўриев, Бахтиер Бекмуродов, Нуриддин Курбонов, Хусан Эркаевларни иштирокчи деб баҳолади.

Олий суд жазо масаласини (унга республика Олий суд Раисининг биринчи ўринбосари А. А. Полвонозда раислик қилди) кўриб чиқаркан, судланувчилар томонидан оғир жиноятлар содир этилганлиги, жамият учун катта хавф тугдирилгани ва улар ҳар бирининг жиний гуруҳдаги иштирокчини ҳисобга олди. Қ. Бўриев, Б. Бекмуродов ва Н. Курбоновларнинг шахси жамият учун ўта хавфлилигини, улар республикамиз фуқаролари ҳаётига тажовуз қилиб келгани, жиний ҳаракатлари билан инсонга хос бўлмаган ваҳшийликларни содир этганликлари, бу оғир оқибатларга олиб келганлиги, Ўзбекистон Республикаси қонунларини алоҳида сурбетлик билан менсимаслигини учун мол-мулк мусодара этилиб, энг олий жазога — отиб ўлдиришга ҳукм чиқарилди. Ҳукм қатъий ва шикоятга ўрин қолдирилмади.

Қобил Бўриев бошчилик қилган жиний гуруҳнинг бошқа уч аъзосига 15 йилдан қамоқ жазоси белгиланди. "Менинг нафсим балодир, енган ўтга соладир" иборасининг исботи бу.

Мурод ТИЛЛАЕВ,
"Постда" муҳбири.

ЗАШТОРНИ ЭКРАНЫ

(“Тошкентдан гапирамиз
ва кўрсатамиз” дастуридан).

